

17WB 150, Kapsel (68)

Favor & Amor Noricus

V I R O

Maximè Reverendo, Amplissimo & Excellentissimo

D O M I N O

HEINRICO ARNOLDO
STOCKFLETHO

Sereniss. March. Brandenburg. Beruth. Conc.
Aul. it. Superioris Buggraviatus Norici, quoad
tractum inferiorem, Superintendenti
gravissimo, spectatissimo,

*De summis in THEOLOGIA honoribus
gratulabunda mente
declaratus*

à

Fautoribus & Amicis.

Typis FELSECKERIANIS.

4.

Faint, mirrored text, likely bleed-through from the reverse side of the page. The text is mostly illegible but appears to include names and titles such as "HENRICO ARNOLD" and "STOCKHOLM".





PEctoris acre Sophon, linguæ facunda venu-
stas,

quodq; canis doctum, fauce rotante, melos;
Mens animi sincera TUI, studioque tenaci
cognita, divini res sacro sancta libri,
Hæc TE Doctorem, Doctoris voce creabunt,
Doctorem, insigni nominis elogio.

Hæc Tubinga suis, vel cælo, laudibus æquat,
Hæc laudo, & numeris grator, A M I C E,
meis.

*Utque tam sanctæ Ephoriæ diutissime feliciter
presis tot Ecclesiarum aeterno bono, toto
pectore precor.*

DANIEL WÜLFER, Past. ad
S. Laurent. & P. P.

STOCKFLETHE, ut laudes, quæ Te TUBINGA
celebrat,

Inspexi, & doctas Ingenii tabulas;
Dixi: *Quem pridem, vectum pernicibus alis,
Inseruit Clario Fama Benigna tholo;*
Hunc dignè decorant summo DOCTORIS honore,
Elogiisq; ornant pulpita sacra, Virum!

Quod superest, vires & vitam, proroget ultra
Gratia, quæ flores, Numinis alma Tibi!

*Ita vovet, pro transmissis, nitidissimâ cum primis
Concione Inaugurali, deb. agens gratias*

MARTINUS BEER, ad Sp. S.
Pastor & P. P.

Magni Magna patrantibus parati
olim sunt, hodieque sunt, HONORES!
Magnos Magna TIBI patranti HONO-

RES.

adplausu celebri tulit TUBINGA!
Magnis Magnus honoribus SACERDOS,
imò THEOLOGICÆ LICENTIATUS
Multorum celebraris ore & aure!
Hoc (ajunt) meruisse SCRIPTA docta;
SERMONEM quoque; DISPUTATIONEM;
& quas aure bibisse LECTIONES
ac servasse novis juvat figuris.
Cumque hoc unanimi loquantur ore;
Cur TU Versiculos tamen requiris
abs me planè inopi? LICENTIATE
cessa! Vena negat, nihilque profert
præter quod Veteres loqui solebant:
VINO VENDIBILI HAUD OPUS VIDETUR
SUSPENSÀ HAC HEDERA! satis coruscas!
Hoc his crede novendecim Phaleucis,

turbulenter fufis

à

Conrado Feuerlino,
ad D. Mariæ Pastore.

Ω Μύσαι! προσέχειν ὑμᾶς δεῖ αἰὲν ἑαυτοῖς,
Οφραβίς ἀγαθῆ διδαχῆς τ' αὐγασμα γένηθε,
Ποίμνιον Ὀσεβέον Χρῆσθ' κάλλιπα ἀγόντες.
Τῆτι πρὸς ἅγιον θέτω ὑμᾶς ἀνδρας ὀδηγῶς,
Κλητὸν ποιμαίνειν ὄχλον Θεῶ ὑψιθώκας.
Ὅν λύτρωσ' ἰδίῳ ὁ Μεσίτης αἵματι Χρῆσθ'·
Αἷμα θεοῦ πῶσον λύτρωσι; λύτρωσις ἀληθῆ.
Ταῖστ' ὁ γεραρός ΣΤΟΚΦΛΕΤΤΟΣ ἐπίσκοπος εἶη!

Εὐφημίας ἕνεκεν ἔγρα.

Andreas Unglenkius,
Pastor ad D. Jacobi.

AThera transcendit virtus ceu victima
Abelis,
Flammea STOCKFLETHI mens petit
alta poli.

Macte VIR! ut quondam, sic nunc holocausta
per aras,

Continua in templis plurima ferre DEO!
Nec dubites, quin sint Tua munera grata Jehovæ,
grata velut sancti victima Abelis erat.

Magnanimus Princeps DOCTOREM STOCKFLETHI
amabit,

DOCTOREM STOCKFLETHI posteritasque canet!

sic optat

ANDREAS MÜHLDÖRFFER,
ad D. Ægidi Pastor.

Quos

Q UOS STOCKFLETHE Tibi Numen cumulavit Honores;
Inter & Eximios sic facit esse Viros:
Q ualem & THEOLOGI DOCTORIS Nomine tandem
Conspicuum Nobis Eusebie Ipsa dabit;
Eminus hos hilari Genio, votisque secundis,
Talia dicentes, undique prosequimur;

DE T DEUS, AFFLICTÆ HINC ECCLESIAE ab-
undè resurgat

Prosperitas, Largo & Fœnore Dîa SALUS!
Atq; Huic T E pariter seros conservet in annos,
Tot Clarum ingenui Dotibus Ingenii!

Votum

M. Pauli Weberi, Eccl. Patriæ
ad Div. Seb. Diac.

E St ita: STOCKFLETHUS felici sidere natus,
Serena fata quem sequuntur perpetim.
Principibus Summis placuit STOCKFLETHUS,
& ipsum

TUBINGA maectavit decore maximò.
Insuper officii sacri crescunt quoque honores:
Ecclesiae sic commodum crescat simul!
Hoc precor ex animo: celsi Moderator Olympi
Aures benignas præbeat voto meo!

*Εκ τῶ παραχρῆμα,
aliis districtus negotiis,
fundebat*

M. Johannes Held/
V. D. M. in Æde Parochiali Laurentianâ.
In-

Incende lætus, VIR Colende, splendidum
Sacri ordinis nostri DEUS! Sacrarium:
* Campana, quæ cum laude dudum Altdorpii
sonuit, Tubingam TE vocat: Fausto i pede,
mitramque prenta, quæ supremis fulgida
cingit comam. DOCTORIS enthei honoribus,
redemta nec prece flebili, nec sordido
precio, oppidatim corrogato forsitan;
sed eruditione parta, Zoilis
STOCKFLETHE mi! Tuis inexpugnabili.
** Nil extimesce Fratricidæ iram impii;
Abele cæde cum pio sed victimam
laudis DEO optimo, bono qui Ecclesiæ
TE servet annos plurimos salvum, apprecor

* *Allus. ad elegantiss. Dn. LICENTIATI Tractatum de
Campanarum usu, Altd. 1665.*

** *ad Disp. inaug. de Sacrificio Caini & Abelis, Tub. A. 1678.*
ὁμοθυμαδόν

Joh. Jac. Eberlinus, Diac. Laur.

Ingenii vis alta Tui est, doctrinaque compar
Ingenio, & meritis pridem sortiris honores
Ex utriusque bono. Genitabilis aura favoris,
Quâ, STOCKFLEHTE, tuos PRINCEPS FORTISSIMUS ausus
Excitat, & laudis veræ numerosus acervus,
Quo fidei TUBINGA Ratæ nutricula tanto
Assurgit, factoque suum testatur amorem,
Sunt ea, quæ Votis gratans ac omine certo
Prosequor, ut pulso vultum mœrore serenem.
Vive tibi, STOCKFLEHTE, diu, Domini que superstes
Vive gregi, Titulis longum fruiturus honorum.
Amplifica mandras, & pulchra proœmia famæ
Altius ædifica, quam quò contingere tela
Invidiæ valeant. Pugna pro dogmate puro
Constanter, cœli seroque capesse coronam,
Ut data TUBINGÆ præcludant gaudia cœlo.

*Novis Fautoris & Amici honoratissimi
honoribus applaudit.*

Johannes Georgius Galsmann,
V. D. M. in Xenodochio & ad D. Cath.

TE cultus verus comitatur Numinis almi,
Inq; Tuo splendent mirandæ pectore dotes.
Candor adest, pietasque Tibi, Celeberrime
STOCFLETH!

Quam modò dulcisonam formavit Suada loque-
lam?

Ex dulci quoque sermo fuit Tibi melleus ore.
Hinc est, quod PRINCEPS, quod te miretur & ætas.
Dignus eras igitur ornari laudibus amplis.
Factum est; dum Superintendens nunc omnibus
audis.

Hunc ego ritè recens-oblatum grator honorem,
MAGNE VIR, ex voto cedat Tibi functio sacra.
Optoque commissas, ut longum sospes in orbe,
Gramine oves semper cœlesti pascere possis.

*Admod. Reverend. & Excellentiss.
Dn. Superint. debiti honoris
ergò f.*

M. Christophorus Kiederer /
Diac. Ægid.

A N E Π Ι,

Μάλιστα Ἀιδεσίμω, Μεγαλειοπέτῳ, καὶ Ἐυδοξοπέτῳ,
Ἐνερίκῳ Ἀρνόλδῳ Στοκκβλήθῳ, Φίλῳ καὶ
Σπυδατῇ αὐτῷ Μερίτῳ, κλ. κλ.

Χαίρειν!

Ἐυνοίαν Ἀρχόντων πειάπτει δῶρα τεοῖο
ἰ. ἰ. α. Σοι, Ἐυαπλάγχυνε δῶκε χάρισμα Θεῷ.

Es

Ἐς τόδε Ὀδαιμῶν τέποις δώροισι κέχρησαι.
Ὅ, τι δέον, τίτλ' ἔσφα τέρρα ὕδει.
Χρῶ τέποις, ὦ Ἀρχιερεῦ ἔνδοξε! ἐς αὐθις.
ζῆθι Θεῶ, Πομπῆ, Σοῖ, κ' ἀπασι τοῖς!
Ὅτως αἰεὶ ἔση Θεῶ, ἡδ' Ἀρχοντι, πρῶτον ἡς,
βυλόμενοι πόρρω Σε τρέφεν, ἡῖ τεξς.

Translatio Latina.

V I R O

Maximè Reverendo, Amplissimo atque Excellentissimo
Dn. HEINRICO ARNOLDO STOCK-
FLETHO, &c. &c.
Amico & Fautori suo Maximo,
S. P. D.

AUram Magnatum mentis tua dona merentur,
Te quibus ornavit gratia summa DEI,
His donis hucusque satis feliciter usus,
quod manus, titulus, scriptaque docta probant.
His, *Superintendens Excellens!* utere porrò:
Vive DEO atque Duci! Vive Tibi atque Tuis!
Sic, *Vir Magne!* DEO pergratus habeberis usque,
atque Duci, qui Te porrò fovere velint.

Johannes Matthæus Niffel,
P. M. & C.

POST-MISSA.

ESto: solius fit gloria summa Verendi
Numinis, & soli fit tribuendus honos:
Ast veluti Cælo Sol aurea lumina spargens,
atro structa solo splendidiora facit;
Haut aliter grati radiis DEUS ornat honoris
ipsum qui totis viribus usque colunt.

B

Pectora

Pectora quo studiosa DEI, discrimine distent
illis qui toto Numina corde negant.
Ergo etiam fausto STOCKFLETHI vive beatus
Quo TE cultorem maectat honore Polus!
Si coluisse DEUM perfecto pectore perges;
ut pergis: perget TE coluisse DEUS,
Accipiesque olim coelestia praemia; sacris
quae reddet studiis gratia: Diva TUIS.

Ita summis honoribus

Pl. Reverendi & Excellentissimi

Dn. STOCKFLETHI

gratulabundus applaud. Lauffe Noricorum.

M. Paul Martin Albertj, Pastor.

NUmquid moraris? fac citius pede
scandas secundo, culmina gloriae:
capesque non lentus, sacris
promeritos studiis honores.

Vides, ocellis ut *Sapientia*.

Divina blandis annuat; altius
tollaris: ostendatque sacram
Laurigero capiti Tiaram.

Paratus ergo tempora praemiis
submitte dignis: & cape debitum
justa brabeum quod bilance,
nunc Pietas tribuit Brabeuta.

Contemne tricos prorsus inutiles;
Quas turba spargit nescia, devia;
persuasa, cunctos lege Christi
Christiculis titulos fugatos.

Est ipsa casus si ferat obvius.
repleta fastu; veste licet tegat
motus superbos: & recenset
ambitione tumens videri.

Procul

Procul faceffant, hæ steriles quibus
nugæ voluptas. Damnat ineptias,
 quas vana parturit cupido
 immodici sitiens honoris.
Vitæ Magister: non jubet improbus
sprevisse laudes, quas genuit labor.
 quin & jubentem: *ascende amice*;
 obsequio coluisse dignum.
Hinc usque virtus queis peperit sua
justos honores, puluere sordido
 sunt eruti rudis popelli;
 & meliore gradu locati:
Insigne factum Christicolis piis
albo lapillo condecorantibus:
 commotus ut livore Momus
 mortifero pereat dolore.
Fruaris Ergo TU quoque prosperis.
AMICE fatis! ut radiis magis
 virtutis auctus, inter astra
 conde nitore caput perenni!
Hæc summa voti; Concilium poli
probet benignum pondere calculi
 feliciori! vota cuncta.
 Quo melior Colophon coronet.

Ita

*Integerrimi Fautoris novis bonoribus,
monitus aggratulari voluit*

M. Christianus Pibringer/
Diac. Lauff.

Viderat Uranie STOCKFLETHUM nuper in altis.
Neccariæ cathedris reddere verba scholæ.
Posteà Doctoris, totò speculante Lyceò,
 Sat validâ plenos arte probare modos.
Deinde sacri coram cœtus dependere vultu
 Lance Mali damnum, lucra bilance Boni.

Pandere:

Pandere Scripturas, inquam: *pensare*, vocabat,
Inde Blaben Hominis, Numinis inde Charim.
Et quicquid tandem cunctæ tribuere sorores
Pimpleæ, vidit promere *Diva Suum.*
Omnia præclare: doctâ ductrice Minervâ;
Ingenii mirâ jûdicii que fide.
Atque sibi propriâ quâdam dulcedine, quâ sic
Nescio quod pectus non facit Ille suum.
Neccarus id Nectar cupidè næ linxit; & illinc
Gratanti Pindus carmine testis adest.
Nunc, quos invidiæ livor malè vexat iniquæ,
Spernere qui, quæ non vestra, soletis, ait:
Dicite, fastosis temere quid ringere labris,
Quidve meæ causæ bella movere juvat?
Hunc mihi præ multis unum quòd sorte dicârim,
Non cœcâ; multis carius eja caput.
Insuper &, quantò potui splendore benigni
Muneris & famæ, condecorâsse *Meum.*
Nec meta est. Meritis tandem, quò Vesper & ortus
Laude vehant amplâ, verberet astra suis.
Nate, mei amores, *pergit*, mea magna voluptas,
Macte vigorosò pectore, mactè piò.
Tibia per Scutum nomen Tibi Nobile signat;
In *Tubia* summmi nomen Honoris habe.
Inde *tubis* Te castra canant, *Heliconia tibi*
Otia; quin *Tiberis* concinat ipse sacer.
PRINCIPIBUS placuisse sciens, placuisse DEO que,
Entheus & princeps *Vir* mereâre cluas.

*Summis AMICI MAGNI honoribus
applaudens cecin.*

Johan. Gipsler,
t. t. Eccl. Hiltpoltstein. ad Sm. Helenæ,
in Noric. Diac.



AWB 150, Kapsel (68)

Favor & Amor Noricus

V I R O

Maximè Reverendo, Amplissimo & Excellentissimo

D O M I N O

HEINRICO ARNOLDO
STOCKFLETHO

Sereniss. March. Brandenburg. Beruth. Conc.
Aul. it. Superioris Buggraviatus Norici, quoad
tractum inferiorem, Superintendenti
gravissimo, spectatissimo,

*De summis in THEOLOGIA honoribus
gratulabunda mente
declaratus*

à

Fautoribus & Amicis.

Typis FELSECKERIANIS.

